



Q'ZBEKISTON
RESPUBLIKASI
BOSMA TUMANLARARO
IQTISODIY SUDI

170400, Andijon vil, Bo'ston tumani,
Mustaqillik ko'chasi, 36-uy

РЕСПУБЛИКА
УЗБЕКИСТАН
БУСТАНСКИЙ
МЕЖРАЙОННЫЙ
ЭКОНОМИЧЕСКИЙ СУД

170400, обл. Андижан, р.
Бустан, улица Мустақиллик, 36

Тел: (0-374) 333-22-29, факс: (0-374) 333-14-37 Веб-сайт: www.oliysud.uz эл.почта:
i.buz@sud.uz

АЖРИМ

(даъво аризани кўрмасдан қолдириш ҳақида)

Бўстон туман
2201/329-сонли иш

2022 йил 18 май

4-1703-

Бўстон туманлараро иқтисодий судининг судьяси С.Умаралиев раислигида, судья ёрдамчиси Ф.Ўрмоновнинг котиблигида, Андижон вилоят фермер, деҳқон хўжаликлари ва томорқа ер эгалари кенгаши даъвогар- “Азимжон Жўраев” фермер хўжалиги манфаатида, жавобгар- “Водий саноат фахри” масъулияти чекланган жамиятига нисбатан тақдим этган даъво аризасини кенгаш вакили Н.Тўйчиев (ишончнома асосида)нинг иштирокида, Бўстон туманлараро иқтисодий суди биносида очиқ суд мажлисида кўриб чиқиб, қуйидагиларни

а н и қ л а д и :

Андижон вилоят фермер, деҳқон хўжаликлари ва томорқа ер эгалари кенгаши (кейинги ўринларда матнда “Кенгаш” деб аталади) “Азимжон Жўраев” фермер хўжалиги (кейинги ўринларда матнда “Даъвогар” деб аталади) манфаатида иқтисодий судга даъво ариза билан мурожаат этиб, “Водий саноат фахри” масъулияти чекланган жамияти (кейинги ўринларда матнда “Жавобгар” деб аталади)дан 21 000 000 сўм қарз, 8 400 000 сўм пеня ундиришни сўраган.

Даъвогар иқтисодий судга асосий қарздорлик бартараф этилганлиги сабабли даъводан воз кечиш аризаси тақдим этилган.

Кенгаш вакили суд мажлисида кўрсатма бериб, жавобгар томонидан мавжуд асосий қарздорлик суд кунига қадарли тўлиқ тўлаб берилганлиги сабабли фермер хўжалиги раҳбари томонидан даъводан тўлиқ воз кечиш аризаси тақдим этганлигини, суд мажлисига келиш имкони мавжуд эмаслигини маълум қилганлигини билдириб, низо юзасидан иш юритишни тугатишни сўради.

Даъвогар ва жавобгар вакиллари суд мажлиси вақти ва жойи тўғрисида тегишли тартибда хабардор этилган бироқ унинг вакили суд мажлисига келмади.



Ўзбекистон Республикаси Иқтисодий процессуал кодекси (кейинги ўринларда матнда “ИПК” деб аталади) 170-моддасининг учинчи қисмига асосан, иш муҳокамасининг вақти ва жойи тўғрисида тегишли тарзда хабардор қилинган жавобгар, учинчи шахслар суд мажлисига келмаса, низо уларнинг йўқлигида ҳал қилиниши мумкинлиги белгиланган.

Суд юқоридаги қонун нормасига асосан ишни жавобгар вакили иштирокисиз кўришликни лозим топади.

Суд ишдаги мавжуд ҳужжатларини ўрганиб чиқиб, кенгаш вакилининг кўрсатмасини тинглаб, тақдим этган аризасини муҳокама этиб қуйидаги асосларга кўра даъво аризани кўрмасдан қолдиришни лозим топади.

Ишдаги мавжуд ҳужжатлардан аниқланишича, низо даъвогар ва жавобгар ўртасида расмийлаштирилган 2021 йил 31 март кунги №72-сонли Пахта хом ашёси харид қилиш бўйича фьючерс шартномасидан келиб чиққан бўлиб, даъвогар жавобгарга шартномада келишилган миқдорда пахта хом ашёси етказиб бериш, жавобгар эса топширилган пахта хом ашёлари учун олдиндан тўланган аванс ва етказиб берилган матераалларни чегирган ҳолда мавжуд тўловларни 2021 йил 31 декабрь кунига қадарли даъвогарга тўлиқ тўлаб бериш мажбуриятини олган. Бироқ жавобгар томонидан амалга оширилиши лозим бўлган тўловлар тўлиқ амалга оширилмаган. Жавобгар суд кунига қадарли мавжуд қарздорликни тўлиқ бартараф этган.

Шу сабабли даъвогар ариза билан мурожаат этиб, қарздорлик тўлиқ бартараф этилганлиги сабабли иш юритишни тугатишни сўраган. Ариза мазмунига кўра даъвогар даъводан воз кечган.

ИПКнинг 157-моддасига асосан даъвогар ишни ҳар қандай инстанция судида кўришда ишни кўриш якуни бўйича чиқариладиган суд ҳужжати қабул қилингунига қадар даъводан тўлиқ ёки қисман воз кечишга ҳақли. Даъвонинг асосини ёки предметини ўзгартиришни, даъво талаблари миқдорини кўпайтиришни ёки камайтиришни, даъвогарнинг даъводан тўлиқ ёки қисман воз кечишини қабул қилиш ҳақида ёхуд қабул қилишни рад этиш тўғрисида ажрим чиқаришлиги белгиланган.

ИПК 50-моддасининг учинчи хатбошисига кўра, давлат органи ва бошқа шахс томонидан даъвогарнинг ҳуқуқларини ҳимоя қилиш мақсадида тақдим этилган даъво аризасидан (аризасидан) даъвогарнинг (аризачининг) воз кечиши даъво аризасини (аризани) кўрмасдан қолдиришга олиб келишлиги белгиланган.

ИПК 107-моддаси биринчи қисмининг 8-бандига кўра, даъвогарнинг манфаатларини кўзлаб прокурор, давлат органи ва бошқа шахс томонидан тақдим этилган даъводан даъвогар воз кечган бўлса даъво ариза кўрмасдан қолдирилишлиги белгиланган.

Мазкур ҳолатда, даъвогарнинг унинг манфаатида кенгаш томонидан киритилган даъводан воз кечиши қонун ҳужжатларига



хилоф эмас ёки бошқа шахсларнинг ҳуқуқлари ва қонун билан қўриқланадиган манфаатларини бузмайди.

Юқоридагиларга асосан, суд даъвогарнинг даъводан воз кечишини қабул қилишни ва иш бўйича даъвони кўрмасдан қолдиришни, давлат божи тўловини жавобгар ҳисобидан Республика бюджетига ундиришни лозим топади.

ИПКнинг 118-моддасига кўра, суд харажатлари ишда иштирок этувчи шахсларга уларнинг қаноатлантирилган даъво талаблари миқдорига мутаносиб равишда юкланади. Даъвогарнинг талаблари у судга мурожаат қилганидан сўнг жавобгар томонидан ихтиёрий равишда қаноатлантирилса, суд харажатлари жавобгарнинг зиммасига юклатилиши белгиланган.

Бинобарин суд, Ўзбекистон Республикаси Иқтисодий процессуал кодексининг 50, 107, 118, 170, 157, 195-моддаларига асосланиб,

а ж р и м қ и л а д и:

“Азимжон Жўраев” фермер хўжалигининг даъводан воз кечиш аризаси қабул қилинсин.

Андижон вилоят фермер, деҳқон хўжаликлари ва томорқа ер эгалари кенгашининг даъво аризаси кўрмасдан қолдирилсин.

“Водий саноат фахри” масъулияти чекланган жамияти ҳисобидан:

- Республика бюджетига 588 000 сўм давлат божи;
- Андижон вилоят фермер, деҳқон хўжаликлари ва томорқа ер эгалари кенгаши фойдасига 21 600 сўм почта харажати ундирилсин.

Ажримдан норози томон бир ой муддатда Бўстон туманлараро иқтисодий суди орқали Андижон вилоят судининг иқтисодий судлов ҳайъатига апелляция тартибида шикоят келтириши мумкин.

Раислик этувчи
С.Умаралиев

